



Broj: T18 O KT 0017474 24
Brčko, 27.05.2024. godine

**OSNOVNOM SUDU
BRČKO DISTRIKTA BiH**

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

P. JANJIĆA (..)

Što je:

Dana 24.01.2024. godine, oko 19.15 časova, u ulici Bosne Srebrne, Brčko distrikt BiH, nakon što je O. P. parkirao motorno vozilo marke „Volkswagen Caddy“, reg. oznaka E29 O 201, ispred Vatrogasnog doma Brčko, u kojem se vozilu u tom trenutku nalazio i P, na mjestu suvozača, nakon kraće rasprave s O, u namjeri da ga teško tjelesno povrijedi, vatrenim oružjem – pištoljem kalibra 7,65 mm, koji je imao kod sebe, a za koji nije pribavio potrebno odobrenje, iako je bio svjestan da bez odgovarajuće isprave o oružju nije dozvoljeno nabavljanje, držanje ili nošenje istog, svjestan radnje koju preduzima, znajući da pucanjem iz takvog vatrenog oružja mu može nanijeti teške tjelesne povrede, što je i htio, ispalio je jedan hitac u pravcu O. desne natkoljenice, čime mu je nanio prostrelnu ranu desne natkoljenice s ulazom na njegovoj vanjskoj strani, da bi potom, izašao iz vozila, iz kojeg je u tom trenutku izašao i O. i došao do lijeve strane vozila, gdje je ponovo ispalio hitac u pravcu O. desne natkoljenice i nanio mu drugu prostrelnu ranu desne natkoljenice s ulazom straga, a nakon što je O, pokušavajući da se udalji od P. ubrzanim korakom došao do zadnjeg dijela vozila gdje je pao i dok ga je O. molio da ne puca, P. je u istog iz vatrenog oružja ispalio još dva hitca u pravcu njegovih donjih ekstremiteta i tako mu nanio prostrelnu ranu lijeve potkoljenice s ulazom straga, čime mu je sveukupno nanio laku tjelesnu povredu, da bi potom i dalje upirući pištolj u O, govorio mu kako je „pička“ i „klošar“, nakon čega se udaljio,

dakle, drugog pokušao teško tjelesno povrijediti pucanjem iz pištolja, koji je nabavio, držao i nosio bez važeće isprave o oružju,

čime je učinio krivično djelo Teška tjelesna povreda u pokušaju iz člana 169. stav (1) u vezi sa članom 28. Krivičnog zakona Brčko distrikta BiH u sticaju sa krivičnim djelom Neovlašćena nabavka, držanje ili prodaja oružja ili bitnih dijelova za oružje iz člana 65. stav (1) Zakona o oružju i municiji Brčko distrikta BiH, a sve u vezi sa članom 54. Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.